



Da čovjek klanja u džematu bolje mu je nego da klanja u kući ili na pijaci za dvadeset i nešto puta

Od Ebu Hurejre, radijallahu anhu, prenosi se da je Allahov Poslanik, sallallahu 'alejhi ve sellem, kazao: "Da čovjek klanja u džematu bolje mu je nego da klanja u kući ili na pijaci za dvadeset i nešto puta. To će postići kada se u potpunosti abdesti, a zatim dođe u džamiju samo radi namaza. Za svaki korak biće mu podignut stepen i biće mu oprošten grijeh sve dok ne uđe u džamiju. Kada uđe u nju biće u namazu dokle god ga namaz tu zadržava. Također, melec će donositi salavat na čovjeka dokle god sjedi na mjestu gdje je klanjao. Oni govore: 'Allahu, smiluj mu se, Allahu, oprosti mu, Allahu, primi mu pokajanje.' Tako će upućivati dovu za njega dokle god ne uznemiri nekoga ili dok ne izgubi abdest."

[صحيح] [متفق عليه]

Allahov Poslanik, sallallahu alejhi ve sellem, nam kazuje o tome da kada musliman klanja namaz u džematu, to će mu biti bolje za dvadeset i nešto puta nego da ga klanja kod kuće ili na pijaci. A potom nam je skrenuo pažnju na razlog toga. Naime, kada čovjek u potpunosti uzme abdest, a potom ode u džamiju samo radi namaza, neće kročiti nijedan korak, a da neće biti uzdignut za veći stepen i da mu neće biti oprošten grijeh. Zatim, kada uđe u džamiju i sjedne isčekujući namaz, imat će nagradu namaza dokle god ga bude čekao. Uz to, melec će Allahu upućivati dovu dokle god bude sjedio na tom mjestu. Govorit će, naime: "Allahu, oprosti mu! Allahu, smiluj mu se! Allahu, primi njegovo pokajanje!", dokle god taj čovjek ne izgubi abdest ili nekoga ne uznemiri.

<https://sunnah.global/hadeeth/bs/show/4566>

